



JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 226 575
Centrala: 032 405-133 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 32-02-5949/21
Zenica, 17.09.2021. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14), člana 21. Pravilnika o javnim nabavkama JU Kantonalne bolnice Zenica (broj 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača "SEDŽAN-INGENERING" DOO SARAJEVO, kao jedine dostavljene prihvatljive ponude za javnu nabavku robe, **resektoskop za potrebe Odjela urologije JU KB Zenica** (otvoreni postupak javne nabavke, uz namjeru provođenja e-aukcije, tender broj:11-48/21), sa najpovoljnijom ukupno ponudenom cijenom od 18.570,00 KM, bez PDV-a, i garantnim periodom od 24 (dvadesetčetiri) mjeseca, i dodjeljuje ugovor navedenom ponuđaču.

Sa odabranim ponuđačem zaključuje se ugovor na period trajanja garancije za ponudenu robu od 24 (dvadesetčetiri) mjeseca, i to na ukupnu vrijednost ponude od 18.570,00 KM, bez PDV-a, a nakon pravosnažnosti ove odluke.

II

Javna nabavka je provedena putem otvorenog postupka, uz namjeru provođenja e-aukcije, tender broj: 11-48/21.

III

Ova odluka stupa na snagu danom donošenja.

Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za nabavku robe: resektoskop za potrebe Odjela urologije JU Kantonalna bolnica Zenica (tender. 11-48/21) imenovana Odlukom direktora broj: 01-02-459-1/20 od 04.08.2021. godine podnosi direktoru JU Kantonalna bolnica Zenica izvještaj o provedenom postupku javne nabavke robe-resektoskop za potrebe JU Kantonalna bolnica Zenica, na period do isteka garantnog roka (tender br. 11-48/21).

Odlukom direktora broj 01-02-459/21 od 04.08.2021. godine i Odlukom o ispravci Odluke broj: 01-02-506/21 od 23.08.2021. godine pokrenut je postupak javne nabavke robe: resektoskop za potrebe Odjela urologije JU Kantonalna bolnica Zenica (tender br. 11-48/21), ukupne procijenjene vrijednosti nabavke 18.570,00 KM bez PDV-a, putem otvorenog postupka, a u skladu sa članom 19. st.1. Zakona o javnim nabavkama.

Članom 19. stav 1 Zakona o javnim nabavkama propisano je da Ugovorni organi iz člana 4.ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke. Obzirom da KB Zenica spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku robe: medicinska oprema - resektoskop za potrebe JU Kantonalna bolnica Zenica, na period do isteka garantnog roka (tender broj: 11-48/21).

Komisija je na zatvorenom sastanku dana 15.09.2021. godine sa početkom u 09,00 sati utvrdila sljedeće:

Na javnom otvaranju ponuda dana 14.09.2021. godine sa početkom u 10:00 sati konstatovano je:

- da je na portalu „E-nabavke“ dana 26.08.2021. godine, objavljeno obavještenje o nabavci broj 669-1-1-242-3-252/21 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 14.09.2021. godine u 10:00 sati
- da je planirano zaključivanje ugovora o javnoj nabavci roba sa jednim ponuđačem na period do isteka trajanja garancije
- da na portalu „E-nabavke“ nije bilo postavljenih upita vezano za predmetnu nabavku,
- da je sa portala „E-nabavke“ tendersku dokumentaciju objavljenu 26.08.2021. godine, preuzelo ukupno 9 (devet) potencijalnih ponuđača

- da je javno otvaranje ponuda bilo dana 14.09.2021. godine u 10:00 sati
- da na javnom otvaranju ponuda nisu prisustvovali predstavnici ponuđača
- da je na (tender, broj: 11-48/21), u predviđenom roku pristiglo ukupno 1 (jedna) ponuda i to ponuda ponuđača:

1. „SEDŽAN-INGENERING“ d.o.o. SARAJEVO

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	CIJENA
1.	„SEDŽAN-INGENERING“ d.o.o. SARAJEVO	Ukupna cijena ponude (bez PDV-a): <u>18.570.00 KM</u> Garantni rok: 24 mjeseca

Zamjenik predsjednika Komisije je izuzeo kopiju ponude.

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

USLOVI ZA KVALIFIKACIJU

Lična sposobnost

Ponuđač je dužan u svrhu dokazivanja lične sposobnosti iz člana 45. ZJN BiH dokazati da:

a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) nije pod stečajem ili nije predmet stečajnog postupka, osim u slučaju postojanja važeće odluke o potvrđi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave, suda ili notara) izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu. Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:

a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrđi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.

d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u

predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 10 (deset) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. ZJN BiH.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Profesionalna sposobnost

Ponudjač je dužan u svrhu dokazivanja sposobnosti obavljanja profesionalne djelatnosti kandidata iz člana 46. ZJN BiH dokazati da je:

- a.) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude,
- b.) upisan u registar veletrgovaca lijekova i medicinskih sredstava kod Agencije za lijekove i medicinska sredstva BiH

U svhu dokazivanja uslova iz tačke a) ponudjač je dužan dostaviti:

- **aktuelni izvod iz sudskog registra** ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude.

U svrhu dokazivanja uslova iz tačke b) ponudjač je dužan dostaviti:

- **važeci dokument/rješenje o upisu u registar veletrgovaca medicinskih sredstava koji je izdala Agencija za lijekove i medicinska sredstva BiH.**

Dokazi se dostavljaju kao neovjerene kopije originala, s tim da datum izdavanja originala za uslov pod tački a) ne može biti stariji od tri mjeseca računajući od dana dostavljanja ponude. Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 10 (deset) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ekonomsko-finansijska sposobnost

Ponuđač je dužan u svrhu dokazivanja ekonomsko i finansijske sposobnosti kandidata iz člana 47. ZJN BiH dokazati da:

- a) da je **glavni transakcijski bankarski račun ponuđača aktivan i solventan**

U svrhu dokazivanja uslova iz tačke a) ponuđač je dužan dostaviti izjavu ovjerena od strane ponuđača, koja je dostavlja u formi iz Priloga broj 4. TD, koja ne smije biti starija od 15 dana od dana predaje ponude i dostavljanje:

- a) potvrda banke ponuđača ili druge finansijske institucije (npr. Centralna banka BiH) da ponuđač ima otvoren i solventan račun kod iste i da je ujedno taj **račun glavni**, dostavlja se kao neovjerena kopija originala, s tim da datum izdavanja originala ne može biti stariji od 15 /petnaest/ dana računajući od dana dostavljanja ponude

Dokazi se dostavljaju kao neovjerene kopije originala, s tim da datum izdavanja originala za uslov pod tačkom a) ne može biti stariji od tri mjeseca računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 10 (deset) dana od dana zaprimanja obavještenja o rezultatima ovog postupka javne nabavke.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Tehnička sposobnost

Ponuđač je dužan u svrhu dokazivanja tehničke sposobnosti kandidata iz član 48. i 49. ZJN BiH dokazati:

- a) da je ponuđena medicinska oprema upisana u registar medicinskih sredstava kod Agencije za lijekove i medicinska sredstva BiH,
- b) da ponuđena medicinska oprema posjeduje odgovarajuće uvjerenje o kvalitetu izdato od strane organa ovlaštenog za verifikaciju proizvođača (samo ukoliko medicinskih sredstava traženih javnom nabavkom nema upisanih u registru sredstava kod Agencije za lijekove i medicinska sredstva BiH)
- c) da ima angažovane tehničko osoblje za poslove postavljanja, instaliranja i servisiranja ponuđene robe.

U svrhu dokazivanja uslova iz tačke a) ponuđač je dužan dostaviti:

- kopiju važećeg dokumenta (rješenje, potvrda i sl.) o upisu robe u registar medicinskih sredstava kod Agencije za lijekove i medicinska sredstva BiH.

U svrhu dokazivanja uslova iz tačke b) ponuđač je dužan dostaviti:

- EC -Certifikat o uskladenosti ili izjave proizvođača o uskladenosti ponudjenog medicinskog sredstva s evropskom direktivom (Declaration of Conformity), obična kopija,
- Izjava ponuđača da će uz isporuku robe - medicinskog sredstva dostaviti ovjerenu kopiju saglasnosti za uvoz medicinskog sredstva-opreme izdatog od strane Agencije za lijekove i medicinska sredstva BiH (originalan dokument),

U svrhu dokazivanja uslova iz tačke d) ponuđač je dužan dostaviti:

- spisak angažovanih ovlaštenih certificiranih servisera u BiH i to najmanje 1 /jedan/ ovlašteni serviser, sa adresama i kontakt telefonima, potpisan od strane ponuđača (originalan dokument),
- certifikate za servisere izdate od strane proizvođača opreme (obična kopija)

NAPOMENA: Primjena uslova za dokazivanja tehničke sposobnosti kandidata (Član 48. i 49. ZJN BiH) pod b), i dokaza traženih za ispunjavanje navedenog uslova primjenjuje se samo ukoliko ne bude ponuđenih medicinskih sredstava-opreme upisanih u registar kod Agencije za lijekove i medicinska sredstva BiH, a prema aktu navedene Agencije od 21.01.2016. godine. Za ponuđače koji ponude medicinsko sredstvo upisano u registar kod Agencije za lijekove i medicinska sredstva BiH, ne traži se ispunjavanje uslova i dokaza pod b).

Ponuđač koji bude odabran kao najbolji u ovom postupku javne nabavke je dužan dostaviti original ili ovjerenu kopiju ranije navedenih dokumenata u roku od 10 (deset) dana od dana zaprimanja obavještenja o rezultatima ovog postupka javne nabavke.

Dokaz koji je dužan dostaviti izabrani ponuđač mora sadržavati potvrdu da je u momentu predaje ponude ispunjavao uslove koji se traže tenderskom dokumentacijom.

Ako je period od registracije/osnivanja dobavljača kraći od perioda za koji ugovorni organ zahtijeva izjave i dokumente koji se odnose na ekonomsko i finansijsko stanje i tehničku i profesionalnu sposobnost dobavljača, dobavljač treba dostaviti dokumente samo za period od svoje registracije/osnivanja.

Izjave i dokumenti o uslovima isporuke, garanciji i pružanju servisne podrške:

1. Izjava ponuđača da garantni rok za isporučena medicinsku opremu iznosi **minimalno 6 (šest) mjeseci od dana zapisničkog puštanja medicinske opreme u rad,**
2. Izjava ponuđača da su za vrijeme garantnog roka usluge servisiranja (što podrazumijeva korektivni i preventivni servis i sve ostale eventualne usluge) i isporuke rezervnih dijelova i potrošnog materijala i dijelova za preventivni i korektivni servis besplatne,
3. Izjava da će se svi kvarovi na opremi u garantnom roku otkloniti u roku od 24 sata nakon prijave kvara, odnosno maksimalno 7 (sedam) dana neophodnih za nabavku i zamjenu neispravnih rezervnih dijelova, uz odaziv servisera najkasnije u roku od 24 sata od momenta prijave kvara od strane nadležne osobe naručioca,

4. Izjava ponuđača da će ustupiti ugovornom organu zamjensku opremu istih karakteristika u slučaju da popravka kvara u garantnom roku traje duže od 7 dana i koji će biti na raspolaganju ugovornom organu sve do okončanja popravke,
5. Izjava ponuđača da će nakon završene instalacije ugovorne strane potpisati zapisnik o puštanju medicinske opreme u rad,
6. Izjava ponuđača da rok isporuke predmetne opreme neće biti duži od 45 (četrdesetpet) dana od dana obostranog potpisivanja predmetnog ugovora u skladu sa tačkom 9. TD
7. Izjava ponuđača da je mjesto isporuke predmetne opreme franco skladište JU Kantonalna bolnica Zenica u skladu sa tačkom 8. TD
8. Izjava ponuđača o opciji ponude u trajanju od 120 (stodvadesetdana) dana u skladu sa tačkom 21. TD
9. Izjava ponuđača o bezavansnom plaćanju u roku od 60 (šezdeset) dana u skladu sa tačkom 32. TD.

Napomena: Tačna dužina garantnog roka za ponuđenu opremu u mjesecima (obzirom da je jedan od kriterija) biće unešena u ugovor o javnoj nabavci, nakon provedene e-aukcije.

PODACI O PONUDI

Ponuda mora sadržavati:

- a) Osnovne podatke o ponuđaču na memorandumu ponuđača (Adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)
- b) Obrazac za dostavljanje ponude, popunjen, potpisan i ovjeren od strane ovlaštene osobe, **Prilog broj 1 TD**
- c) Obrazac za cijenu ponude, popunjen, potpisan i ovjeren od strane ovlaštene osobe **Prilog broj 2 TD**
- d) Izjava o ispunjenosti uslova iz člana 45. stav (1) tačka od a) do d) ZJN- **Prilog broj 3 TD**, ovjerena od strane nadležnog organa (općinskog organa uprave, suda ili notara) u skladu sa tačkom 10.1. TD
- e) Dokumentacija kojom ponuđač dokazuje ispunjenost uslova iz člana 46. ZJN BiH u skladu sa tačkom 10.2. TD
- f) Izjava i dokumenata kojima dokazuje da ispunjava tražene uslova iz člana 47. ZJN BiH, **Prilog broj 4 TD**, u skladu sa tačkom 10.3. TD
- g) Dokumentacija kojom ponuđač dokazuje tehničku i profesionalnu sposobnost (član 48. i 49. ZJN BiH) u skladu sa tačkom 10.4. TD
- h) Izjave ponuđača koje su u skladu sa tačkom 10.5. TD, koje čine sastavni dio ponude
- i) Obrazac izjave o dostavi garancije za uredno izvršenje ugovora, **Prilog broj 5 TD**,
- j) Pismena izjava ponuđača iz člana 52. ZJN BiH, **Prilog broj 6 TD**, ovjerena od strane nadležnog organa (općinskog organa uprave, suda ili notara)
- k) Obrazac povjerljive informacije, **Prilog broj 7 TD**,
- l) Potpisan i ovjeren Nacrt ugovora, **Prilog broj 8 TD**,
- m) Obrazac izjave o prihvatanju općih i posebnih uslova tenderske dokumentacije, **Prilog broj 9 TD**,
- n) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

KOMISIJA KOJA PROVODI PREDMETNU JAVNU NABAVKU JE UTVRDILA DA JE PONUĐAČ "SEDŽAN-INGENERING" D.O.O. SARAJEVO U SVOJOJ PONUDI ZA PREDMETNU JAVNU NABAVKU ROBE-RESEKTOSKOP ZA POTREBE ODJELA UROLOGIJE JU KANTONALNA BOLNICA ZENICA, DOSTAVIO SLJEDEĆE DOKUMENTE:

- Naslovna strana sa sadržajem ponude, potpisana i ovjerena od strane ovlaštene osobe,
- Osnovni podaci o ponuđaču, potpisano i ovjereno od strane ovlaštene osobe,
- Obrazac za dostavljanje ponude, **Prilog broj 1**, popunjen, potpisan i ovjeren od strane ovlaštene osobe ponuđača,
- Obrazac za cijenu ponude, **Prilog broj 2** popunjen, potpisan i ovjeren od strane ovlaštene osobe,
- Izjava o ispunjavanju uslova iz člana 45. stav (1) tačka od a) do d) ZJN BiH, potpisana i ovjerena od strane ovlaštene osobe, ovjerena od strane nadležnog organa dana 08.09.2021. godine, **Prilog broj 3**,
- Izjava o ispunjenosti uslova iz člana 47. Stav (1) tačka a) do d) i (4) ZJN BiH, potpisana i ovjerena od strane ovlaštene osobe, ovjerena kod nadležnog organa 08.09.2021. godine, **Prilog broj 4**,
- Obrazac Izjave o dostavi garancije za uredno izvršenje ugovora, potpisan i ovjeren od strane ovlaštene osobe ponuđača, **Prilog broj 5**,
- Pismena izjava iz člana 52. Zakona o javnim nabavkama, popunjena, potpisana i ovjerena od strane ovlaštene osobe ponuđača i ovjerena od strane nadležnog organa dana 08.09.2021. godine, **Prilog broj 6**,
- Obrazac povjerljive informacije, uredno popunjen, potpisan i ovjeren od strane ovlaštene osobe ponuđača, **Prilog broj 7**,
- Nacrt ugovora, potpisan i ovjeren od strane ovlaštene osobe ponuđača, **Prilog broj 8**,

- Obrazac izjave o prihvatanju općih i posebnih uslova tenderske dokumentacije, potpisan i ovjeren od strane ovlaštene osobe, **Prilog broj 9**,
- Spisak angažovanih ovlaštenih certificiranih servisera, potpisan i ovjeren od strane ovlaštene osobe ponuđača, original dokument,
- Autorizacija/ovlast za servisiranje, da je ponuđač ovlaštenu distributer i ekskluzivni serviser za Olympus proizvode i da je Olympusov ovlaštenu serviser za BiH Amel Duraković, na engleskom i bosanskom jeziku, original dokument,
- Declaration of conformity od 02.06.2021.g. od 02.06.2021.g., na engleskom jeziku, original dokument ovjeren od strane proizvođača opreme-Olympus,
- Potvrda Agencije za lijekove Bosne i Hercegovine, broj: 06-07.4-1-1636-6/18 od 08.01.2019. godine o upisu medicinskog sredstava u Registar medicinskih sredstava BiH, sa rokom važenja do 07.01.2024. godine, kopija potpisana i ovjerena od strane ovlaštene osobe,
- Izmjena potvrde Agencije za lijekove Bosne i Hercegovine, broj: 06-07.4-3-10201-4/18 od 09.12.2019. u dijelu koji se odnosi na izmjenu nosioca potvrde, kopija potpisana i ovjerena od strane ovlaštene osobe,
- Potvrda Agencije za lijekove Bosne i Hercegovine, broj: 06-07.4-1-1625-4/18 od 01.10.2018. godine o upisu medicinskog sredstava u Registar medicinskih sredstava BiH, sa rokom važenja do 30.09.2023. godine, kopija potpisana i ovjerena od strane ovlaštene osobe,
- Izmjena potvrde Agencije za lijekove Bosne i Hercegovine, broj: 06-07.4-3-10204-3/19 od 03.12.2019. u dijelu koji se odnosi na izmjenu nosioca potvrde, kopija potpisana i ovjerena od strane ovlaštene osobe,
- Potvrda NLB BANKA DOO SARAJEVO, broj:112601/1059/21 od 10.09.2021. godine, da je glavni račun ponuđača aktivan i solventan, original dokument,
- Aktuelni izvod iz sudskog registra, Očinski sud u Sarajevu, broj: 065-0-RegZ-21-006945 od 28.07.2021. godine, kopija ovjerena od strane nadležnog organa dana 08.09.2021. godine,
- Uvjerjenje Suda BiH, Su: 03-4860-1/21 od 28.06.2021. godine, kojom se potvrđuje da protiv fizičkog lica DŽANIĆ RIJAD nije izrečena pravosnažna osuđujuća presuda, kopija ovjerena od strane nadležnog organa dana 08.09.2021. godine,
- Uvjerjenje Općinskog suda u Sarajevu, broj: 065-02-SU-21-002600 od 28.06.2021. godine, u smislu člana 103. Zakona o prekršajima F BiH, kopija ovjerena od strane nadležnog organa dana 08.09.2021. godine,
- Uvjerjenje Općinskog suda u Sarajevu, broj: 065-2-SU-21-002601 od 28.06.2021. godine, na zahtjev DŽANIĆ RIJADA, a u smislu člana 103. Zakona o prekršajima F BiH, kopija ovjerena od strane nadležnog organa dana 08.09.2021. godine,
- Uvjerjenje o činjenicama iz službene evidencije u smislu člana 45. stav 2. tačka a. ZJN u BiH, Općinski sud u Sarajevu, broj: 65 0 Kr 008976 21 od 28.06.2021. godine, kopija ovjerena od strane nadležnog organa dana 08.09.2021. godine,
- Uvjerjenje Općinski sud u Sarajevu, broj: 65-0-R-21-001352 od 28.06.2021. godine, o činjenicama iz službene evidencije u smislu člana 45. stav 2. tačka b. ZJN u BiH, kopija ovjerena od strane nadležnog organa dana 08.09.2021. godine,
- Uvjerjenje Uprave za indirektno-neizravno oporezivanje, Regionalni centar Sarajevo, broj: 02/6/II-16-11-20-6429/21 od 22.07.2021. godine, da ponuđač nema dospjelih a neizmirenih obaveza na osnovu indirektnih poreza, ostalih prihoda i taksi definisanih odredbama člana 1. stav (2) Zakona o sistemu indirektnog oporezivanja i člana 1. stav (3) Zakona o uplatama na Jedinstveni račun i raspodjeli prihoda, kopija ovjerena od strane nadležnog organa dana 08.09.2021. godine,
- Uvjerjenje Federalnog ministarstva finacija, Porezna uprava FBIH, Kantonalni porezni ured Sarajevo, Porezna ispostava Vogošća, broj: 13-9/6-12-5-2321/21 od 16.06.2021. godine, da poreznik nema duga po osnovu javnih prihoda, da nema duga po osnovu doprinosa za penzijsko-invalidsko osiguranje, zdravstveno osiguranje i osiguranje od nezaposlenosti od 01.01.2011. godine, kopija ovjerena od strane nadležnog organa dana 08.09.2021. godine,
- Rješenje Agencije za lijekove Bosne i Hercegovine, broj: 10-07.12-6-9486-3/18 od 17.12.2018. godine o upisu ponuđača u Registar veleprometnika medicinskih sredstava, te na osnovu odobrenja imenovani može obavljati promet medicinskim sredstvima, kopija ovjerena od strane nadležnog organa dan 08.09.2021. godine,
- Uvjerjenje o registraciji obveznika poreza na dodanu vrijednost, Uprave za indirektno oporezivanje, broj: 04/5-1/IV-17-1-5684-3328/05 od 12.11.2005. godine, kopija ovjerena od strane nadležnog organa dana 08.09.2021. godine,
- Izvještaj Centralne banke BiH o računima poslovnog subjekta na dan 26.07.2021. godine, kopija ovjerena od strane nadležnog organa 08.09.2021. godine
- Uvjerjenje Suda BiH, Su: 03-4860/21 od 28.06.2021. godine, kojom se potvrđuje da protiv pravnog lica „SEDŽAN-INGENERING“ D.O.O. SARAJEVO nije izrečena pravosnažna osuđujuća presuda u smislu člana 45. stav 2. tačka a. ZJN u BiH, kopija ovjerena od strane nadležnog organa dana 08.09.2021. godine,
- Obavještenje o razvrstavanju pravnog lica prema klasifikaciji djelatnosti, izdato od Službe za statistiku za područje KS, broj: 07-32.5-5307/14 od 16.02.2012. godine, kopija ovjerena od strane nadležnog organa dana 08.09.2021. godine,
- Uvjerjenje o poreznoj registraciji, Federalnog ministarstva finacija, Porezna uprava Kantonalni ured Sarajevo od 27.01.2005. godine, kopija ovjerena od strane nadležnog organa dana 08.09.2021. godine,

- Polisa Wiener osiguranja broj: 5.025.890 – osiguranje od odgovornosti za proizvode, kopija ovjerena od strane nadležnog organa dana 08.09.2021. godine,
- Izjava ponuđača da je garantni rok za isporučenu robu–24 mjeseci u skladu sa tačkom 10.5.TD, potpisana i ovjerena od strane ovlaštene osobe ponuđača,
- Izjava ponuđača o isporuci rezervnih dijelova i potrošnog materijala, i usluga servisiranja da su iste za vrijeme garantnog perioda besplatne u skladu sa tačkom 10.5.TD, potpisana i ovjerena od strane ovlaštene osobe ponuđača,
- Izjava ponuđača o otklanjanju kvarova u roku propisanom tačkom 10.5.TD, potpisana i ovjerena od strane ovlaštene osobe ponuđača,
- Izjava ponuđača o ustupanju zamjenske opreme u skladu sa 10.5 TD, potpisana i ovjerena od strane ovlaštene osobe ponuđača,
- Izjava ponuđača o potpisivanju zapisnika o puštanju u rad u skladu sa tačkom 10.5.TD, potpisana i ovjerena od strane ovlaštene osobe ponuđača,
- Izjava ponuđača o roku isporuke u skladu sa tačkom 10.5.TD, potpisana i ovjerena od strane ovlaštene osobe ponuđača,
- Izjava ponuđača o mjestu isporuke u skladu sa tačkom 10.5.TD, potpisana i ovjerena od strane ovlaštene osobe ponuđača
- Izjava ponuđača o trajanju ponude u skladu sa tačkom 10.5.TD, potpisana i ovjerena od strane ovlaštene osobe ponuđača
- Izjava ponuđača o roku i načinu plaćanja u skladu sa tačkom 10.5.TD, potpisana i ovjerena od strane ovlaštene osobe ponuđača

Analizom ponude ponuđača “SEDŽAN-INGENERING” D.O.O. SARAJEVO, Komisija koja provodi predmetnu javnu nabavku utvrdila je da je dostavljena ponuda uvezana i numerisana na način propisan TD, da je ponuđač dostavio „ORIGINAL“ i „KOPIJU“ ponude kako je traženo TD u skladu sa tačkom 12.TD, da je imenovani dostavio tražene dokumente, obrasce, izjave, ovjerene od strane nadležnog organa i ovlaštene osobe, prema uputama i uvjetima postavljenim u TD, a iz svega se može utvrditi da ponuđač “SEDŽAN - INGENERING” D.O.O. SARAJEVO ispunjava uslove u pogledu:

- lične sposobnosti iz člana 45. ZJN BiH, u skladu sa tačkom 10.1. TD,
- profesionalne djelatnosti iz člana 46. ZJN BiH u skladu sa tačkom 10.2. TD
- ekonomske i finansijske sposobnosti iz člana 47. ZJN BiH, u skladu sa tačkom 10.3. TD
- tehničke i profesionalne sposobnosti iz člana 48. i 49. ZJN BIH u skladu sa tačkom 10.4. TD,
- te dostavio sve tražene izjave ponuđača u skladu sa tačkom 10.5. TD, koje čine sastavni dio ponude.

Komisija je konstatovala da je ponuđač “SEDŽAN-INGENERING” D.O.O. SARAJEVO kao sastavni dio ponude dostavio u originalu ili uredno ovjerenu dokumentaciju iz člana 45. ZJN BiH u skladu sa tačkom 10.1. TD, iz člana 46. ZJN BiH u skladu sa tačkom 10.2.TD, iz člana 47. ZJN BiH u skladu sa tačkom 10.3.TD, te u slučaju da imenovani bude odabran kao najpovoljniji Odlukom o izboru najpovoljnijeg ponuđača, isti neće biti dužan ponovo dostaviti navedenu dokumentaciju.

Komisija je konstatovala da je ponuđač “SEDŽAN-INGENERING” D.O.O. SARAJEVO kao sastavni dio ponude samo djelomično dostavio u originalu ili uredno ovjerenu dokumentaciju iz člana 48. i 49. ZJN BiH u skladu sa tačkom 10.3.TD, te u slučaju da imenovani bude odabran Odlukom o izboru najpovoljnijeg ponuđača isti će biti dužan dostaviti dokumentaciju koju je u ponudi dostavio u kopiji o to: važeća rješenja i izmjene rješenja o upisu robe u registar medicinskih sredstava kod Agencije za lijekove i medicinska sredstva BiH, i to u originalu ili ovjerenoj kopiji u roku od 10 (deset) dana od dana zaprimanja obavještenja o rezultatima ovog postupka javne nabavke, u protivnom će se smatrati da je odustao od svoje ponude.

Komisija konstatuje da ponuda ispunjava sve zahtjeve u pogledu opisa predmeta nabavke i tehničkih specifikacija u skladu sa traženim TD.

Prema svemu gore navedenom ponuda ponuđača „SEDŽAN-INGENERING” D.O.O. SARAJEVO u predmetu nabavke robe–resektoskop za potrebe Odjela urologije JU Kantonalna bolnica Zenica (otvoreni postupak, tender br: 11-48/21) u cjelosti ispunjava uslove postavljene u TD i kao takva prihvatljiva je ugovornom organu u cjelosti.

U tenderskoj dokumentaciji za nabavku robe, resektoskop za potrebe Odjela urologije JU Kantonalna bolnica Zenica, na period do isteka trajanja garancije (tender broj: 11-48/21), JRJN oznaka predmeta nabavke: 33190000-8 Razne medicinske naprave i proizvodi, procjenjena vrijednost nabavke iznosi 18.570,00 KM, utvrđen je kriterij za dodjelu ugovora:

- Ekonomski najpovoljnija ponuda
- Ponude se ocjenjuju na osnovu sljedećih podkriterija:

- a) cijena – čija je vrijednost 90%
- b) dužina garantnog roka – čija je vrijednost 10%

Također, tenderskom dokumentacijom planirano je provođenje e-aukcije.

Komisija je izvršila vrednovanje ponuda kako slijedi:

Obzirom da je nakon provjere kvalificiranosti ponuđača utvrđeno da je pristigla jedna (1) prihvatljiva ponuda ponuđača "SEDŽAN - INGENERING" D.O.O. SARAJEVO i da ispunjava sve zahtjeve iz TD, nisu se stekli uslovi za provođenje e-aukcije.

RED. BR. PONUDE	PONUĐAČ	CIJENA u KM, bez PDV-a
1	"SEDŽAN - INGENERING" D.O.O. SARAJEVO	18.570,00 KM Garantni rok: 24 mjeseca

Obzirom da je za nabavku robe, resektoskop za potrebe Odjela urologije JU Kantonalna bolnica Zenica (otvoreni postupak, tender broj: 11-48/21), pristigla samo jedna kvalificirana ponuda, zakazivanje i provođenje e-aukcije u tom slučaju se ne provodi iz objektivnih razloga, shodno utvrđenoj rang listi, Komisija koja provodi predmetnu javnu nabavku jednoglasno daje preporuku direktoru JU Kantonalne bolnice Zenica da za nabavku robe: resektoskop za potrebe Odjela urologije JU Kantonalna bolnica Zenica, izvrši odabir ponude i donese odluku o dodjeli ugovora na period do isteka garantnog roka (24 mjeseca) na ukupnu vrijednost ponude od 18.570,00 KM bez PDV-a, ponuđaču "SEDŽAN-INGENERING" D.O.O. SARAJEVO kao jedinom prihvatljivom ponuđaču.

Na osnovu gore navedenog, donesena je odluka kao u dispozitivu.

Pouka o pravnom lijeku:

Protiv ove odluke može se uložiti žalba Kantonalnoj bolnici Zenica u roku od 10 (deset) dana od dana prijema iste.



Direktor

Prof.dr.sc prim Rasim Skomorac

Handwritten signatures in blue ink, including one that appears to be 'Prof. dr. sc. prim Rasim Skomorac'.